



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum, quàm recentiorum placitis complectentia. Opus methodo novâ, & clarâ in tres digestum Partes ... accuratè, ac copiosè instructae

De Beneficiorum Ecclesiasticorum Natvra, Ereptione, Qvalitatibvs Ad Ea Obtinenda Requisitis ...

Leuren, Peter

Coloniæ Agrippinæ, 1704

331. An, & qualiter suspensus sit ineligibilis, vel impromovibilis ad Prælaturas & beneficia.

[urn:nbn:de:hbz:466:1-74477](https://nbn-resolving.org/urn:nbn:de:hbz:466:1-74477)

pœnales non sint extendendæ; præterea electus ad beneficium curatum directè & primò eligatur ad sacramenta conferenda (quod non est prohibitum excommunicato excommunicatione minore) & minus principaliter ad ea recipienda, quatenus nimirum, ut sacramenta quadam ministret aliis, necesse est eum aliquando sacramenta recipere. Sanch. *loc. cit. dub. 13. Barb. in c. si celebrat. Sayr l. 2. c. 22. n. 23. Peyr cit. q. 2. c. 2. n. 22. Suar. l. ult. cit. n. 21. Pass. n. 475. contra Garc. p. 7. c. 13. n. 27. Covar. in c. alma Mater. §. 8. n. 3. Ugol. tr. 3. c. 6. n. 3. peccare nihilominus mortaliter tam eligentes eligendo, quàm electum talem consentiendo electioni, ait Pass. *loc. cit.**

3. Respondeo tertio: talem excommunicatum non esse ineligibilem ad beneficia simplicia; eò quòd textus dicat electionem talis excommunicati irritandam, quia eligitur ad ea, quæ ei sunt interdicta; jam vero eligitur quis ad beneficia simplicia per se loquendo, ut orationes & laudes Deo persolvat, & non ad aliquid, quod per se postulet receptionem alicujus sacramenti, ita ut vi beneficii simplicis non teneatur beneficiatus recipere sacramenta. Barb. *ad cit. c. celebrat. n. 3. Pass. n. 474. Sigism. à Bonon dub. 65. n. 1. LAVOR. cit. c. 19. nu. 9.* (qui etiam hinc deducit, eligi posse talem ad diffinitorium, eò quòd licet hic sit officium curatum, dum diffinitores integrantes capitulum habent jurisdictionem spiritualem ligandi & solvendi, non ordinetur tamen ad conferenda sacramenta, & potestatem Ordinis exercendam) contra Suar. *loc. cit. n. 25.*

4. Respondeo quarto: si tam electores quàm eligendus probabiliter ignorant excommunicationem, electio talis ad beneficia non simplicia non est irritanda. Host. p. 5. *tit. de cler. excom. §. qualiter puniuntur in fine. Sylv. V. excommunicatio. 4. n. 4. Peyr loc. cit. n. 23. Pass. n. 476. contra Garc. loc. cit. num. 20. lex enim pœnalis puniens scienter agentes (uti facit *cit. c. si celebrat*) non extenditur ad ignorantales. Tiraquel. *de pœnis temperand. c. 14. n. 7.* sive verò soli Electores, sive solus eligendus ignoret probabiliter excommunicationem talem minorem, cassanda est electio, quia existente scientiâ vel apud electores, vel apud electum hic verè dicitur scienter electus. Garc. n. 27. referens plures alios. Sa *V. excommunicatio. nu. 33. Reginald. l. 32. tr. 1. n. 143. Sigism. dub. 65. num. 3. & alii, quos refert & sequitur Pass. loc. cit. contra Peyr n. 23. & Hostiens. loc. cit. qui id negat de casu, in quo soli eligendo nota est sua excommunicatio.**

Quæstio 331. An & qualiter suspensus sit ineligibilis vel improvovibilis ad Prælaturas Ecclesiasticas, & beneficia?

1. Respondeo per partes, cum suspensio respectu ministeriorum, à quibus quis suspenditur, sit multiplex. Primò suspensus simpliciter seu ab omni officio & beneficio, hoc est privatus omni administratione Ecclesiastica, sive temporalis ea sit (conveniens ratione beneficii, ut est perceptio fructuum temporalium beneficii & dispositio de iis) sive spiritualis, est ineligibilis ad beneficia & dignitates Ecclesiasticas, constat ex *c. cum dilectus, de consuetud. & c. cum bona. de ar. & qual.* Verùmque id est, sive sit denunciatus, sive non, sive notorius sive occultus; sive suspensus à jure, sive

ab homine. Pass. *loc. cit. num. 478. cum communi.*

2. Secundò: suspensus ab officio simpliciter hoc est privatus exercitio utriusque potestatis, Ordinis nimirum & jurisdictionis in totum, hoc est omnium Ordinum, & omnis jurisdictionis est ineligibilis ad omne novum beneficium curatum; ineligibilis enim quis est ad illud, quod prohibetur exercere; jam vero ad beneficium curatum, utpote quod datur propter officium curæ animarum, spectat, exercere saltem potestatem jurisdictionis, quod tali prohibitum est. Pass. *nu. 482. cum communi & certa.*

3. Tertio: taliter suspensus ab officio simpliciter est quoque ineligibilis ad quavis beneficia simplicia, etiam quibus aliud officium annexum non est, quam recitatio horarum. Etiam si enim talis non prohibeatur inservire missæ, divinis officiis interesse, horas cum aliis cantare in choro, facerèque ea, quæ laicis permittuntur. Abb. *ad c. 2. de cler. excom. num. 7. Sayr. l. 4. c. 5. nu. 43. & c.* (sed & si beneficiatus aut in sacris est, teneatur recitare horas, cum suspensio sit pœna, quæ non fert punito immunitatem. Sayr *loc. cit. n. 9. citans Ugol. & c.*) sicut enim talis non potest exercere actus Ordinum minorum, ut minister ab Ecclesia ad eos exercendos ordinatus; ita etiam non potest ut minister & officialis Ecclesiæ, ab ea ad hoc deputatus, & beneficiatus, recitare horas, aliàsque orationes, utpote per suspensionem talem omni spirituali administratione, & ministerio, adeoque & hoc honore ministris publicis & Ecclesiasticis ad laudandum per recitationem horarum Deum deputati privatus. Atque ita taliter suspensus ab officio, licet non suspendatur à beneficio, quod habet, est tamen inhabilis ad omne novum beneficium acquirendum. Pass. n. 485. citans Garc. *loc. cit. c. 14. n. 1. Suar. loc. cit. d. 26. f. 3. Sanch. loc. cit. dub. 15. Azor. Paris. & alios.*

4. Quarto: suspensus tantum ab officio aliquo particulari, seu partialiter, potest eligi ad beneficium super alio officio fundatum, quod suspensus non est prohibitus exercere, v. g. suspensus ab officio Cantoris potest eligi ad beneficium parochiale. Garc. *loc. cit. c. 14. n. 58. Pass. n. 483. Innoc. in c. cum dilectus, de consuetud. n. 4.*

5. Quintò licet suspensus ab Ordine etiam simpliciter, non sit per hoc suspensus ab usu jurisdictionis, sive ea temporalis sit, qualis est beneficiati ad administranda temporalia, fructus nimirum temporales beneficii, sive spiritualis, qualis est Prælatorum in gubernatione spirituali subditorum. D. Thom. *in 4. dist. 18. q. 2. a. 2. Sayr. de cens. l. 4. c. 5. n. 6. & apud illum Tolet. Ugol. Felin. est tamen ineligibilis ad novum beneficium curatum (maximè prælaturam) habens annexum usum Ordinis. Peyr. in *præl. q. 2. c. 5. n. 29. Pass. n. 486. secus est de beneficio non habente annexum usum Ordinis, & supponente solum primam tonsuram. Sayr. loc. cit. Pass. num. 488. ubi etiam ait: suspensum ab Ordine non esse suspensum ab Episcopatu, eò quòd nomine Ordinis in suspensione ab Ordine intelligantur solum septem Ordines alii.**

6. Suspectus ab Ordine particulari, v. g. diaconatu, non est inhabilis ad beneficium, quod non requirit usum illius Ordinis, sed alterius non prohibitum ab eo exerceri, v. g. ad beneficium subdiaconale; potest enim suspensus à diaconatu tantum fungi officio subdiaconi. Sayr. *l. cit. n. 29. Pass.*

Pass. n. 489. Quia tamen non potest sacerdos exercere hunc Ordinem celebrando, quin exerceat Ordinem diaconatus, legendo nimirum in missa Evangelium, qui suspensus est à sacerdotio, erit etiam suspensus à diaconatu, juxta Donat. p. 3. r. 5. q. 15. n. 20. Laym. Theol. moral. l. 1. r. 5. p. 3. c. 1. apud Pass. loc. cit.

7. Septimò licet suspensio à beneficio, & suspensio ab officio sint duæ diversæ suspensionis species, incursumque earum una non incurritur statim & altera, nimirum quoad beneficium correspondensque ei officium habita; nihilominus tamen suspensio simpliciter à beneficio est inhabilis ad omne officium de novo acquirendum; sicut econtra suspensio simpliciter ab officio, simpliciter est ineligibilis ad quodvis beneficium, quia non datur temporalis præbenda sine officio, nec officium Ecclesiasticum sine temporalitate (cùm qui altari servit, de altari debeat vivere) à cujus temporalitatis administratione suspendit suspensio à beneficio. Pass. num. 492.

Quæstio 332. An ergo electio suspensi sit ipso jure irrita?

Respondeo affirmativè, de suspensio simpliciter tam ab officio quàm beneficio: secus est de suspensio ab officio tantum, illius enim electio ad beneficium est solum jure irritanda. Suar. cit. d. 26. f. 3. n. 8. apud Pass. num. 493.

Quæstio 333. An, & qualiter interdictus, vel interdictum violans sit ineligibilis, aut aliter improponibilis?

Respondeo primò: interdictus personaliter, sive interdictio generali, sive speciali, sive à jure, sive ab homine, etiam occultus est ineligibilis non tantum ad prælaturas, & beneficia habentia annexum Ordinem sacrum, sed etiam ad habentia annexum Ordinem minorem, aut etiam solum primam tonsuram requirentia; qui enim est prohibitus exercere ea, quæ ad officium pertinent, est etiam ineligibilis ad officium. Argumento c. ult. de Cleric. excomm. interdictus autem est prohibitus exercere officia divina, quo nomine hic veniunt ministeria propria cuicque Ordini sacro. Sayr. l. 5. c. 5. num. 4. Pass. n. 496. citans plures alios, aut etiam minori, ut interdictus nec horum, nec illorum Ordinum actus sine peccato exercere valeat. Suar. de Cens. d. 34. f. 3. num. 9. ex Sylv. Quin & recitatio horarum, quatenus est actus muneris clericalis, & officii Ecclesiastici, & ministerii cujusdam publici, ministrique ad hoc deputati, juxta dicta q. 107.

2. Respondeo secundò: idem dicendum de violante interdictum personale vel locale, sive is sit vir, sive mulier; sive regularis, sive secularis. Abb. in c. postulasti. de Cler. excomm. n. 5. Covar. in c. alma Mater. §. 2. n. 2. Suar. l. ult. cit. n. 14. Sylv. v. Electio. num. 15. Peyr. in pral. c. 5. num. 40. Pass. nu. 497. citans plures. Sumitur ex c. 1. de postul. & c. ult. de excess. pralat. & c. Episcoporum. de privilegio in 6. Et de celebrante in loco interdicto habetur expressè c. is, qui. de sent. excomm. in 6. Porro hæc ineligibilitas, seu privatio vocis passivæ, uti & activæ, quia specialiter, & independenter ab irregularitate, quam pariter talis incurrit, lata est contra talem, (quoniam & Moniales incapaces irregularitatis hæc privationem incurrun) independent-

ter ab ista irregularitate est ineligibilis. Suar. loc. cit. num. 16.

3. Respondeo tertio: electio violatoris talis videtur ipso jure nulla, cùm c. 1. de postul. excludatur tanquam persona indigna, & c. is, qui & c. dicatur ineligibilis. Pass. n. 501. ex Suar.

Quæstio 334. An, & qualiter secunda ista responsio sit limitanda?

Respondeo: ut locum non habeat Primò in non interdicto personaliter, exercente divina officia in loco interdicto quidem, sed non interdicto denunciati & nominati; vi enim Extravag. ad evitanda non est obligatio non communicandi in divinis officiis cum interdictis, aut abstinendi à sacerdotis officiis in loco aliquo, vel arcendi aliquos ab iis, nisi locus vel persona sint nominati denunciata interdicta. Suar. loc. cit. Secundò in eo, qui non scienter, vel etiam cum bona fide, licet aliqua negligentia intercurrente, violat interdictum locale. Sumitur ex c. is, qui. de sentent. excomm. Tertio in eo, qui violando tale interdictum peccat solum venialiter. Suar. loc. cit. num. 15. Quarto, ut non extendat se dicta privatio, aut etiam irregularitas ad facientem celebrare in loco interdicto, & ad superiorem id permittentem, cùm de his nullibi fiat mentio, nisi in c. Episcoporum; ubi solum statuitur poena interdicti ab Ecclesia, quæ poena non est propria Clericorum, sed etiam laicos comprehendit. Suar. loc. cit. num. 17. Pass. nu. 500. contra Majol. de irreg.

Quæstio 335. An, & qualiter irregularis sit ineligibilis?

1. **R**espondeo: quamvis textus juris nullus adduci possit, universaliter declarans omnem irregularem ad omne beneficium esse ineligibilem, de quo vide Pass. cit. c. 25. n. 505. Est tamen id verum ex communi DD. sententia. Pass. num. 506. Innoc. in c. cum nostris. de concess. preb. Felin. in c. 2. de rescrip. Lamb. de jurepat. l. 2. p. 1. q. 9. n. 4. Paris. l. 4. cons. 136. n. 20. Barb. in c. dudum. de elect. num. 6. Garc. de b. nef. p. 7. c. 11. n. 2. Less. l. 2. c. 64. num. 120. Suar. de Cens. d. 40. f. 2. num. 36. Sayr. de Cens. c. 2. num. 21. extendens hoc ipsum ex Navar. & Zerola ad pensiones.

2. Respondeo secundò: irregularitas directè impediendo à suscipiendis Ordinibus, eorumque usu, indirectè impedit à collatione, & receptione cujuscumque beneficii etiam simplicis. Ita ferè iidem AA. patet responsio, quoad beneficia, quibus annexus est Ordo, & Ordinis usus; ex eo enim, quòd quis prohibeatur ab uno, prohibetur etiam ab altero ei connexo. c. translato. de consti. Et si autem non omnia beneficia supponant Ordinem, non tamen etiam admittunt impedimentum Canonicum ad Ordines suscipiendos, ministrandumque in illis, cùm omnia beneficia dentur intuitu Ordinum, quatenus nimirum dantur ut prævia quadam dispositiones ad illos, ut beneficiati ex hoc disponantur ad suscipiendos Ordines, ut patet ex eo, quòd beneficia non dentur nisi habenti primam tonsuram tanquam dispositionem ad ordines. Pass. n. 506.

3. Respondeo tertio: irregularitas partialis impediens usum aliquorum Ordinum tantum, incurta sine culpa post susceptum Ordinem, impedit quidem à beneficio requirente exercitium Ordinis,

nis,